



# АКАФИСТ

СВЯТОЙ ВЕЛИКОМЪЧЕНИЦЕ

**Барваре**

с кратким житием



г. Благовещенск

**Акафист с кратким житием великомученице  
Варваре. Благовещенск, 2013 - 36 с.**

*Издается по благословению  
Преосвященнейшего Лукиана,  
епископа Благовещенского и Тындинского*

*Напечатан со сборника акафистов,  
утвержденного Издательским Советом  
Русской Православной Церкви.*

На подворье епархиального женского монастыря Албазинской иконы Божией Матери «Слово плоть бысть» в г. Зея, в храме святой великомученицы Варвары будут рады видеть паломников и почитателей великомученицы у ковчега с частицей ее святых мощей.

Празднование дня памяти великомученицы Варвары 17 декабря по н.ст.

Святой великомученице Варваре молятся о сохранении от внезапной смерти без покаяния и Святого Причащения.



СВЯТОЙ ВЕЛИКОМЪЧЕНИЦЕ

Варваре

Тропарь, глас 8

Варва́ру святу́ю почти́м: вра́жия бо  
се́ти сокруши́ и, я́ко пти́ца, избáвися  
от них по́моцию и ору́жием Креста́,  
всечестна́я.

## Кондак, глас 4

В Трѳице благочѣстно пѣваемому,  
послѣдовавши Бѳгу, страсотѣрпице,  
идольская притупила еси чтилица; по-  
средѣ же пѳдвига страдальчествующи,  
Варваро, мучителей прещѣния не  
устрашилася еси, мужемудренная,  
велегласно поющи присно: Трѳицу  
чту, Едино Божество.





# АКЯФИСТ

## СВЯТОЙ ВЕЛИКОМУЧЕНИЦЕ

# Варваре

### Кондак 1

**И**збранной Бóгом от идоло-  
служительнаго рóда и призванной  
во язык свят, в люди обновлénия,  
невéсте Христóве, я́ко избавляющися  
тобóю от различных зóл и обстоя́ний,  
благодáрственная пéния и хвалéния  
воспису́ем ти моли́твенницы тво́й, святáя и  
всехва́льная великомученице: ты же, имúщи  
дерзнове́ние ко Го́споду, от вся́ких нас бед  
свободи́, да с ра́достью зове́м ти: Ра́дуйся,  
Варва́ро, невéсто Христóва прекра́сная.

## Икос 1

**А**нгелом честную и вселюбезную  
чистоту непорочно сохрани,  
честная Варваро, Ангелом  
сожительница быти сподобилася еси, с  
нимиже егда поеши троицескую песнь Богу  
на небеси, услыши нас, поющих тебе на  
земли похвальная пения сия:

Радуйся, отроковице, Богом Отцем  
представленная быти сообразна в  
страдании образу Сына Его.

Радуйся, Сыном Божиим, Светом от  
Света, призванная из тьмы в чудный свет  
веры и благодати Его.

Радуйся, яко позвавшему ты Святому  
Духу, и сама телом и духом свята еси.

Радуйся, яко от скверны плоти и духа  
непорочно себе соблюла еси.

Радуйся, рожденному от Девы Жениху  
Христу деву ты чистую обручившая.

Радуйся, земного обручника паче  
Небесного знати не восхотевшая.

Радуйся, крине девства, посреде терния  
идольскаго прорастший доле.

Радуйся, цвете чистоты, в неувядаемой  
славе цветущий горе.

Ра́дуйся, в Неб́есном вертогра́де Хрис-  
то́ва благоуха́ния наслажда́ющаяся.

Ра́дуйся, Красне́йшаго па́че сыно́в  
челове́ческих зр́ением та́мо утеша́ющаяся.

Ра́дуйся, убели́вшая ри́зы тво́я в Кро́ви  
Агнчей на земли́.

Ра́дуйся, в лице́ д́евственном посл́еду-  
ющая Бо́жиему Агнцу на Небеси́.

Ра́дуйся, Варва́ро, невесто́ Христо́ва  
прекрасная.

## Кондак 2

**В**и́дящи святая́ Варва́ра себе́ на  
высо́ком сто́лпе от отца́ поста́влену,  
помышля́ше себе́ ма́нием Бо́жим  
к Небеси́ бы́ти возводи́му. Разу́мная убо  
восхожде́ния в се́рдце сво́ем поло́жши, те́ми  
от тьмы́ к Све́ту и от преле́стных и́долов ко  
и́стинному Бо́гу у́мне восхожда́ше, пою́щи  
Ему́: Аллилу́иа.

## Икос 2

**Р**азум неуразу́менный о Еди́ном все́й  
тва́ри Творце́ разу́мети де́ва святая́  
Варва́ра и́щущи, бесе́доваше со  
сво́им си́ разу́мом, глаго́лющи: «От те́мных

кумиров чудным светилам небесным како  
бе создаться мощно, рцы ми». К ней же он со  
Псаломником рече: «Вси Бóзе язык бесове,  
Един же есть Бог и Господь, Иже небеса и  
вся светила их сотвори». Таковому твоему,  
мудрая дево, разуму дивящаяся, глаголем:

Радуйся, паче старец идолослужитель-  
ных разумнейшая.

Радуйся, паче мудрецов мира сего  
мудрейшая.

Радуйся, яко тебе безвестная и тайная  
премудрости Своя Бог явил есть.

Радуйся, яко тебе истиннаго богословия  
Сам Бог Слово научил есть.

Радуйся, всех звездочетцев умом  
Христовым превозшедшая.

Радуйся, явственнее паче оных небесный  
круг прозревшая.

Радуйся, яко в твари, аки в зеркале, Сама-  
го Творца усмотрела еси.

Радуйся, яко в созданных светилах  
несозданный Свет узрела еси.

Радуйся, ныне уже кроме зеркала свет  
лица Божия на небеси зрящая.

Радуйся, тем светом неизречно  
веселящаяся.



Ра́дуйся, у́мная звездó, ея́же озаре́нием  
лице́ Бо́жие, я́ко со́лнце, светлó нам явля́ется.

Ра́дуйся, мы́сленная луно́, ёю́же но́щь  
заблужде́ния я́ко день просвеща́ется.

Ра́дуйся, Варва́ро, невесто Христо́ва  
прекрасная.

### Кондак 3

**С**и́ла Вы́шняго даде́ тогда́ святёй  
Варва́ре, я́коже дре́вле проро́ку  
Иезеки́лю, лице́ адама́нтово,  
си́льно пред все́ми идолослужите́лями, во  
е́же не убо́йтися ей от зве́рскаго лица́ их,  
ни ужа́сатися лю́таго преще́ния. Те́мже со  
дерзнове́нием мужему́дренная де́ва взыва́ше:  
«Тро́ицу чту, Еди́но Божество́, и Той ве́рою  
покланя́ющихся, велегла́сно пою: Аллилу́иа».

### Икос 3

**И**му́щи святая́ Варва́ра свы́ше  
да́нную себе́ му́дрость, востече́ к  
де́лательем ба́ни оте́ческа, и о́нем  
проявля́я та́йну Святы́я Тро́ицы, повеле́  
три окна́ в ба́не устро́ити. «Аще, — рече́, —  
идолослужите́лие уста́ и́мут и не глаго́лют

сла́вы и́стиннаго Бо́га, то ка́менные в сей ба́не стéны тремí о́кнами, áки тремí устна́ми, да свидéтельствуют, я́ко Еди́н есть Бог, в Трóице Святéй от всея́ твáри сла́вимый и поклáняемый». За таково́е у́бо му́дрование, святáя Варва́ро, приими́ похвалу́ сию́:

Ра́дуйся, в треокóнной ба́не купéль святáго Крещéния, во имя Трóицы Пресвятýя, изобразívшая.

Ра́дуйся, в купéли воды́ и Ду́ха, к сим же и крóве твоея́ му́ченическа́я, тебé измы́вшая.

Ра́дуйся, я́ко тремí о́кнами тьму́ многобо́жия, Трóице Святéй протíвнаго, прогна́ла еси́.

Ра́дуйся, я́ко о́кнами тремí Свет Трóический я́сно узрела́ еси́.

Ра́дуйся, я́ко те́ми тремí о́кнами призрé на тя Со́лнце Пра́вды, тридне́вно возсия́вшее от грóба.

Ра́дуйся, я́ко те́ми тебé возсия́ день Трóическаго спасéния.

Ра́дуйся, сёрдце твое́ Еди́ному в Трóице Бо́гу всегда́ отвёрсто имéвшая.

Ра́дуйся, чу́ства твоя́ пред бра́нию трéих враго́в, плóти, ми́ра и диа́вола, крéпко заключívшая.